



VAKSINASI: Seorang penerima vaksin menerima suntikan di PPV Pandu Lalu UMSKAL.



KOMITED: Dua jururawat Klinik Rawatan Warga Kampus Antarabangsa Labuan turut membantu petugas kesihatan Kementerian Kesihatan Malaysia di PPV Pandu Lalu UMSKAL.

PPV pandu lalu UMSKAL mula operasi, bantu percepat pemberian vaksin

UB 08.07.2021 P. 05

LABUAN: Pusat Pemberian Vaksin (PPV) secara pandu lalu di Universiti Malaysia Sabah Kampus Antarabangsa Labuan (UMSKAL) mula beroperasi semalam mem-babitkan pemberian vaksin dos kedua.

Pengarah UMSKAL Profe-sor Dr Jualang Azlan Gansau berkata, operasi PPV secara pandu lalu itu dilaksanakan sehingga tamat Program Imunisasi COVID-19 Ke-bangsaan (PICK) di Labuan, namun bergantung kepada arahan semasa.

"PPV ini akan dijalankan di sekitar perkarangan UM-SKAL dan ia merupakan hasil kerjasama Jabatan Kesihan-tan Wilayah Persekutuan Labuan, Jawatankuasa Pen-gurusan Bencana Daerah (JPBD) Labuan dan UM-SKAL sendiri.

"Seramai 20 petugas kesihan-termasuk dua Jururawat Klinik Rawatan War-ga Kampus Antarabangsa Labuan selain beberapa lagi sukarelawan MyVac dan sukarelawan komuniti akan membantu menjayakan PPV secara pandu lalu ini," ka-tanya.

Dr Jualang berkata, PPV secara pandu lalu ini hanya melibatkan pemberian vaksin dos kedua bagi membantu mengurangkan kesesakan di PPV awam yang lain



ALBUM: Dr Jualang (dua kanan) dan Dr Ismuni (tiga kanan) merakamkan gambar bersama salah seorang penerima vaksin.

dengan kapasiti pemberian sebanyak 800 hingga 1,000 orang sehari.

"Dua jururawat dari Klinik Rawatan Warga Kampus Antarabangsa Labuan ber-tugas sebagai 'vaccinator' selain seorang doktor dan seorang pembantu pegawai perubatan turut membantu secara berkala," katanya.

Pra-pelancaran PPV secara pandu lalu itu disempurnakan Pengarah Jabatan Kesihan-tan Wilayah Persekutuan Labuan, Dr Ismuni Bohari.

Sementara itu, Dr Ismuni

ketika ditemui media mem-beritahu, kemudahan PPV pandu lalu di UMSKAL itu merupakan PPV ketujuh di Labuan dan yang pertama disediakan secara pandu lalu bagi memudahkan penerima vaksin menerima suntikan.

Katanya, usaha ini mem-bolehkan sasaran 80% pen-duduk berumur 18 tahun ke atas menerima vaksin dapat dicapai menjelang bulan Ogos ini sekaligus membantu Labuan menjadi kawasan yang pertama mencapai imu-niti kelompok di negara ini.

"Pihak jabatan beserta JPBD merakamkan peng-hargaan kepada UMS di atas persetujuan menggunakan fasiliti di sini bagi tujuan PPV secara pandu lalu agar pemberian vaksin dapat dijalankan lebih teratur dan kemas," katanya.

Hadir sama pada pelancaran PPV Pandu Lalu UMSKAL. Ketua Polis Labuan, Supt Ahmad Jawlia; Pengarah Majlis Keselamatan Negara (MKN) Labuan, Mohd Hafez Daud; dan Pengerusi JPBD Labuan, Rithuan Ismail.